



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱԿԱՅՐԻ
ՆԱԽԱՐԱՐԻ ՊԱՇՏՈՆԱԿԱՏԱՐ
Ո. ՊԵՏՐՈՍՅԱՆ

« 09 » 07 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0121-21

Ձեռնարկողը՝

«Աքարա» ՍՊԸ

Շիրակի մարզ, ք. Գյումրի Ծուլուկիձե 5

Գործունեությունը՝ Թալինի բժշկական կենտրոնի վերակառուցման նախագծի
շրջակա միջավայրի վրա ազդեցության նախնական
գնահատման հայտ
Արագածոտնի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խ. Մարտիրոսյան

Առդիր եզրակացությունը՝ 5 թերթ

ՇՐՋԱԿԱ ՄԻՋԱՎԱՅՐԻ ԿՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

< 09 > 07 2021 г.

Ըստ նախագծի բժշկական կետերոնում գոյություն ունեցող մահճակալային ֆոնդը, համաձայն ՀՀ առողջապահության նախարարության առաջադրանքի, կրճատվել է մինչև 30 մահճակալ և ստացիոնար ու ամբուլատոր բժշկական բոլոր ծառայությունները տեղակայվել են վերակառուցվող մասնաշենքի հիվանդանոցային հատվածում: Այսպիսով,



վերակառուցվող եռահարկ բժշկական կենտրոնը կունենա 30 մահճակալ, և կգործեն հետևյալ բաժանմունքները

- ընդունարան,
- ախտորոշիչ և լաբորատոր բաժանմունք,
- պոլիկլինիկական ծառայություններ,
- 30 ստացիոնար մահճակալ ունեցող հիվանդանոցային ծառայություններ, ներառյալ վիրաբուժական (6 մահճակալ), մանկաբարձագինեկոլոգիական (7 մահճակալ), մեծահասակների թերապևտիկ ու մանկաբուժական (14 մահճակալ), ինֆեկցիոն մեկուսարան (3 մահճակալ)՝ առանձին մեկուսացված արտաքին մուտքով,
- շտապ բուժօգնության կայան՝ 1-2 հերթապահ բրիգադի հաշվարկով,
- ինտենսիվ թերապիայի սրահ (3 մահճակալ),
- անհետաձգելի բուժօգնության ծառայություն (2 մահճակալ),
- արյան պահպանման սենյակ,
- օժանդակ ծառայություններ, ներառյալ կենտրոնական ախտահանում, լվացքատուն, ներհիվանդանոցային դեղատուն, ինժեներական և մատակարարման ծառայություններ:

Նախատեսվող գործունեությունը իրենից ներկայացնում է ժամանակակից լուծումներով և նյութերով իրականացվող շինություն: Կառույցի տեխնիկատնտեսական ցուցանիշներն են.

Հողատարածքի ընդհանուր մակերես – 20.789քմ (2.0789հա)

Վերակառուցման աշխատանքների շրջանակը - 18735քմ

Կառուցապատման մակերես – 2.238քմ

Բարեկարգման մակերես – 7.057քմ

Կանաչապատման մակերես – 9.440քմ:

Հիվանդանոցն ապահովված է լինելու ջրի, էլեկտրաէներգիայի և գազի առանձին միացումներով:

Նախագծող ԲԿ-ի գազաֆիկացման գործընթացը կկազմակերպվի «Գազպրոմ Արմենիա» ՓԲԸ-ի 19/12/2019թ. տրամադրված տեխնիկական պայմանի համաձայն՝ կաթսայատան գործող d=108 գ/6 գազատարից:


Էլեկտրասնուցման գործընթացը, համաձայն «Հայաստանի էլեկտական ցանցեր» ՓԲԸ-ի կողմից 19/12/2019թ. տրամադրված տեխնիկական պայմանների կկազմակերպվի ՏԵ3324-ի 0.4 կՎ հզորության վահանից:

Բժշկական կենտրոնի ջեռուցումը նախատեսվում է իրագործել վերակառուցվող կաթսայատան միջոցով: Կաթսայատան շահագործումը կիրականացվի ջրային չորս կաթսաների միջոցով բնական գազի այրմամբ: Վերակառուցվող բժշկական կենտրոնում կաթսայատան հարևանությամբ նախատեսվում է նաև հեղուկ վառելիքի համար նախատեսված պահեստարան:

Կաթսայատան ջուրն օգտագործվելու է միայն ջրաջեռուցիչ կաթսաների և ջերմային ցանցերի միանվագ լցման համար, որը հետագայում կլրասնուցվի համակարգում ջրային կորուստների առաջացման դեպքում: Արտադրական հոսքաջրերի առաջացումը բացառվում է, քանի որ կաթսայատանը ջրապատրաստման գործընթաց չի նախատեսվում:

Նախագծվող ԲԿ-ի ջրամատակարարման և ջրահեռացման գործընթացները կազմակերպվելու են գործող շինարարական նորմերի ու կանոնների, ինչպես նաև «Վեոլիա ջուր» ՓԲԸ-ի կողմից տրամադրված (05/11/2019թ.) նախագծման տեխնիկական պայմանի (ԱՄ 166) համաձայն: ԲԿ-ի ջրամատակարարման համակարգը կկազմակերպվի գործող համակարգով, այն է՝ Քոթանյան փողոցով անցնող համայնքային ջրագծից:

ԲԿ-ի համալիրից կոյուղաջրերի և կենցաղային ջրերի հեռացման համար, ըստ տեխնիկական առաջադրանքի, նախատեսվում է նոր դիտահորի կառուցում ԲԿ-ի



կոյուղագծի և Քոթանյան փողոցով անցնող համայնքային կոյուղագծի ($d=300$ մմ) միացման կետում:

ԲԿ-ում նախատեսվող իֆեկցիոն բաժանմունքից առաջացող բժշկական արտահոսքերի և կոյուղաջրերի հեռացումը կկազմակերպվի 1.5խմ/օր հզորությամբ «ТОПАС-С 8П» անհատական մաքրման կայանից՝ համակցված ՎՕԵ-SDB-550 ուլտրամանուշակագույն ախտահանման սարքով, որտեղից էլ մաքրված ջրերը միանալով ԲԿ-ի կոմունալ-կենսաջաղային ջրերին կհեռացվեն նախատեսվող դիտահոր:

«ТОПАС-С 8 П» մոնտաժային սխեման ներկայացված է և նախատեսվում է տեղադրել ԲԿ-ի գազոնապատ հատվածում՝ գլխավոր մուտքի դարպասից աջ և մոտ 17մ հեռավորության վրա:

Շինարարական աշխատանքների տևողությունը հաշվարկվել է 30 ամիս:

Շինարարության ժամանակ բնառեսուրսից օգտագործվելու է ջուր՝ տարածքների ջրցանի, հողի/գրունտի խոնավացման և աշխատողների խմելու, կենսաջաղային նպատակների համար: Տեխնիկական նպատակով, աշխատողների կենսաջաղային և խմելու նպատակով ջրամատակարարումն իրականացվելու է գոյություն ունեցող ջրագծից: Շինարարության ժամանակահատվածի համար ընդհանուր ջրօգտագործումը հաշվարկվել է ըստ սպասարկող աշխատողների թվաքանակի (35 մարդ) և կազմել $547,8 \text{ մ}^3/\text{շին.ժամ}$ կամ $0.830 \text{ մ}^3/\text{օր}$: Ջրցանի համար օգտագործվող ջրի ծախսը կկազմի $9.202 \text{ մ}^3/\text{շին.ժամ}$: Ընդամենը ջրօգտագործումը կկազմի $9.749,8 \text{ մ}^3/\text{շին.ժամ}$:

Շինարարության ժամանակ կատարվելու է մոտ 109 մ^3 ընդհանուր ծավալով հողային զանգվածի հանույթ, որն ամբողջությամբ կտեղափոխվի Թալինի համայնքային աղբավայր:

Հիմնական թափոնատեսակը, որը կառաջանա շինարարական աշխատանքների ընթացքում՝ 2.815 մ^3 ($49,71 \text{ մ}^3 + 2766 \text{ մ}^3$) ծավալով շինարարական աղբը և ավելորդ գրունտն է, որն ամբողջությամբ տեղափոխվելու է համայնքային աղբավայր:

Շինարարության ընթացքում անհրաժեշտ շինարարական նյութերի ձեռք բերումը կիրականցվի լիցենզավորված մատակարարից, կազմակերպություններից և կապալառու կազմակերպության արտադրական բազայից:

Բժշկական կենտրոնի վերակառուցման ընթացքում շրջակա միջավայրի վրա ազդեցությունները և ռիսկերը հիմնականում պայմանավորված կլինեն շինարարական աշխատանքների ընթացքում անօրգանական փոշու և ծխագազերի ժամանակավոր արտանետումներով, որոնք կարող են առաջանալ հողային աշխատանքներից և տեխնիկական միջոցների աշխատանքից՝ դիզվառելիքի այրման արդյունքում: Շինարարական աշխատանքների ընթացքում հնարավոր ազդեցությունները կանխարգելելու և շրջակա միջավայրի պահպանության նպատակով նախատեսված է.

- աշխատանքների սկիզբը աշխատողներին՝ այդ թվում նաև վարորդներին հրահանգավորել ըստ աշխատանքի անվտանգության կանոնների և պատշաճ եղանակով գրանցել անվտանգության վարման գրանցամատյանում,
- շինարարական հարթակը և տրանսպորտային միջոցները հագեցվելու են հրդեհաշիջման առաջնային միջոցներով, առաջին բուժօգնության դեղատուփով, իսկ աշխատողներն անցնելու են դրանց ճիշտ օգտագործմանն, ինչպես նաև առաջին բուժօգնության ցուցաբերմանն ուղղված հրահանգավորում/պատրաստվածություն,
- բանվորական և ղեկավար կազմն ապահովվել սեզոնային արտահագուստով, անվտանգության սաղավարտով և այլ պաշտպանիչ միջոցներով,
- հեղուկ նյութերը և քսայուղերը տեղափոխելու շինարարական հարթակ օգտագործումից առաջ և պահելու հատուկ տակդիրների վրա՝ հնարավոր արտահոսքերը բացառելու համար,



- շինարարական մեքենաների վառելիքի լիցքավորումը և քսայուղերի հետ առնչվող բոլոր գործողություններն իրականացնել հատուկ մասնագիտացված կենտրոններում,
- հնարավոր վնասվածքների, պատահարների դեպքում տուժածին ցուցաբերել առաջին բուժօգնություն՝ անհրաժեշտության դեպքում տեղափոխել համայնքի բժշկական կենտրոն,
- շինարարական հրապարակում ապահովել արտակարգ իրավիճակների մասին պատմող և արձագանքման քայլերը լուսաբանող պաստառներ/պլակատներ,
- ժամանակավոր ցանկապատել շինարարական հրապարակը,
- շինարարական աղբը կանանոնավոր հեռացնել համայնքային աղբավայր,
- հրապարակում տեղադրել կենցաղային թափոնների համար նախատեսված աղբամաններ,
- շինարարական հրապարակի ջրցան և փոշու արտանետումների մակարդակների կառավարում ՀՀ թույլատրելի նորմերի սահմանում,
- շինարարական մեքենաների տեղաշարժն իրականացնել սահմանափակ՝ 30 կմ/ժ չգերազանցող արագությամբ, իսկ բեռնատարների դեպքում՝ թափքը ծածկել,
- աղմուկ առաջացնող աշխատանքներն իրականացվեն թույլատրելի մակարդակների սահմանում և օրվա ցերեկային ժամերին՝ 14:00-18:00,
- շինարարական նյութերը ձեռք բերել լիցենզավորված մատակարարից,
- վառելիքի և նավթաման նյութերի պահումն իրականացնել բետոնե/ մետաղական կամ ավազե հիմքերի վրա,
- արտակարգ իրավիճակների կանխարգելման միջոցառումների ընթացակարգերը և կոնտակտային տվյալները պաստառների ձևով փակցնել հրապարակում,
- մեքենաների վառելիքի լիցքավորումը, քսայուղերի փոխարինումը կազմակերպել շինհրապարակից դուրս և մասնագիտացված կենտրոններում,
- տարածքը վերականգնել և իրականացնել հետշինարարական բարեկարգման և կանաչապատման աշխատանքներ:

Կանաչապատման աշխատանքների շրջանակում գոյություն ունեցող կանաչ գոտում նախատեսվում է 9440 ք.մ մակերեսով լրացուցիչ սիզամարգերի իրականացում: Կանաչ գոտիները հետագայում ԲԿ-ն կարող է համալրել նաև ծաղիկներով և այլ դեկորատիվ բուսականությամբ:

Բնապահպանական միջոցառումների համար նախատեսվում է տարեկան հատկացնել 2.920.300 ՀՀ դրամ:

Պատճառաբանական մաս. Արագածոտնի մարզի Թալինի համայնքապետարանում օրենսդրությամբ սահմանված կարգով, իրականացվել են հանրային քննարկումներ, որոնց ընթացքում տեղական ինքնակառավարման մարմինները և հասարակայնությունը հավանություն են տվել նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության նախարարությունը, քաղաքաշինության կոմիտեն, ինչպես նաև Արագածոտնի մարզպետարանը: Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն շինարարական աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:

Փորձաքննական պահանջներ

- Շինարարական աշխատանքների ընթացքում առաջացող թափոնների կուտակումն ու հեռացումն անհրաժեշտ է իրականացնել ՀՀ օրենսդրությամբ սահմանված կարգով՝ Թալինի համայնքապետարանի հետ համաձայնեցված:



- Շինարարության ընթացքում անհրաժեշտ է պահպանել բնապահպանական կառավարման և մոնիթորինգի պլաններում նախատեսված միջոցառումների իրականացումը և ժամանակացույցերը:
- Բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:
- Նախատեսվող գործունեության իրականացման ընթացքում պահպանել քաղաքաշինական նորմերը, շինհրապարակի աշխատանքային անվտանգության կանոնները, բանվորների արտահագուստի և հիգիենայի պահանջները՝ համաձայն ՀՀ առողջապահության նախարարի 2017թ. մարտի 28-ի N12-Ն հրամանի պահանջների:
- Անհրաժեշտ է ապահովել հայտում ամրագրված կանաչապատման աշխատանքների իրականացումը և պահպանումը:
- ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N438 որոշմամբ հաստատված կարգի 43-րդ կետի համաձայն, աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմին՝ համապատասխան պահպանական միջոցառումներ իրականացնելու համար:

ԵԶՐԱՓԱԿԻՉ ՄԱՍ

«Աքարա» ՍՊԸ կողմից ներկայացված Արագածոտնի մարզի Թալինի բժշկական կենտրոնի վերակառուցման շրջակա միջավայրի վրա ազդեցության նախնական գնահատման հայտին տրվում է դրական եզրակացություն՝ նշված պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ՝

Լ. Մեսրոպյան

Հ. Մեսրոպյան



Ընդամենը՝ 5 էջ: